

Jaorverslag VVDS 2013-2014

2013-2014 was ut jaor van:

- Prins Erik d'n Twedde, mit zien dolgelukkige prinses Berna,
- van Jeugdprinses Dyan d'n Urste, Jeugdvorst Maik en Jeugdarrin Maud
- Ut jaor van un paar fantastische Bonte Aovende met groëtse Oelderse artieste en mar iën buutedurpse act
- Ut jaor van Expedisie Mök
- Ut jaor van de gebroke beamerkabel
- Ut jaor van "moooh" (mökske)
- Ut jaor van stuuaterbal
- Ut jaor van lève, liefde, bier en wien ien willekeurige volgorde
- Ut jaor van wer enne fantastische vastelaovend

Ut bestuur bestoond uut:

- Vurzitter Hans Loonen
- Vorst Emiel Evers
- Penningmèster Robert Steeghs
- Sik Rob Kunkeler (den al en klén bietje plat kan schrieve)
- En de bestuursleje . . . Freek Smulders - Martijn Drabbels - Han van der Sande

De Raod van Elluf bestoond dit jaor uut:

Erwin Steeghs - Stef Claessens - Tom Loonen - Pascal Classens - Freek Smulders - Vincent Verstappen - Bart Jenneskens - John Voermans - Fred Peeters - Roel Steeghs, Marc Steeghs en Jop Loonen

D'n 11-11

Ut seizoen begos tradisiegetrouw wer op d'n 11^e van d'n 11^e.

Dit kier viel dat op enne monday. Dit kier han wej gen neje raodsleje te presentiere, en dat was sund, umdat wej dit jaor dit jaor toch afscheid gaon neme van 3 manne ien pak, te wiete Bart, Snert en Hans. De Mök wier iengezegend dur ozze prins Jop den dur duudeluk zin ien haaj. Nao d'n opstart vertelde ozze vorst dat hej twieje nejtjes haaj; nl. ut uitkomme van de neje site, rondum de PP ien ut neje jaor en en totaal nejtje "Expedisie Mok". Waor hej hiel geheimzinnig ovver deuj. Ut enigste wat heej kwiet woog is dat ut um en spel gut opgezet dur de jonkies van de road.

Nao en halluf uurke opwerme en bejkomme van al dat nejs haaj ozze vorst nog en verrassing ien petto. Hej verzorgde enne speciale superchaotische en geïmproviseerde Bonte Aovend speciaal vur prins Jop en zien prinses Rianne. Dit umdat de Bonte Aovend verzet is naor februari en zej dat nie mit kunne maake als prinsepaar. Tijdens den speciale superchaotische en geïmproviseerde Bonte Aovend speciaal vur prins Jop en zien prinses Rianne waare dur verschillende acts:

- Andre van Duin - Hebt u ook Suiker
- Jos Loonen mit enne buut
- Brudjes Hamburger
- Hans Loonen names de APK
- Freek Smulders duuj de slotact mit en hiel goed hangslot.

16-11 Ut Vorstenraadsbal

De zaoterdag dur nao, 16 november, was ut groët fiest ien Mèrsele. Ozze eige vorst Emiel stond der vur de lèste kier, en hej haaj wer en grappig verhaal, mar hej haaj wel last van allemol bièsjes. Naodat alle vorste wer geproke han was der un èrg gezellig fiëst waar wej zeker os bejdrage an geleverd hebbe

23-11 Zien we ok nog efkes naor de Vredepiël gewist, aangezien ze daor en 4x11 jubileum han.

Alle prinse van hun zien nog ien lève, en volleges os kwaam dat durdat ze vuls te gezond lève, en durrum han wej mar es en flinke tas ongezond grei mitgebracht. Nao de receptie han ze 2 DJ's staon. Ut feesje begos en klèn bitje rustig, mar toen wej os es efkes mit ut fiëst ginge bemoeie wier ut uiteraard toch wer èrg gezellig. Dornao wer veilig en wel thuisgebracht dur ozze Bob Fredje Spiëters

05-01 PrinseProclamasie

We begosse ien d'n Terp mit ut afteje Jop d'n Urste. Nao en spannend optreje van en stel Toppers die ienèns wel hiël âld ware geworre en nog iëne lèste speech van Prins Jop, moog zellefs héj bej de APK komme.

Dornao uiteraard allemol naor de Liende waar iederiën mit spanning waachtte tot de neje Prins bekend wier gemakt. Ut uitkomme wier gedaon dur Emiel (midden ien de zaal) als Lei Zunnig en Fred Veter en John as Notaris Mario, Antonio Trappatoni Bankroet. Op ut podium stonde allemaol enveloppe mit en postcode op. Der verdwene steeds mier enveloppe, totdat der nog mar twië aover ware, Fabian en John. Dan vollege de 11 regels, en der vliegt en bank dwars dur ut decor, mar ondertusse zitte Prins Erik d'n twedde en zien prinses Berna al op de nek, mar dan achter ien de zaal. Weliswaor nog nie ien ut pak, mar ze ginge snel naor achter um efkes de vère en ut kroontje en alles wat daarbej huurt an te doen.

Ondertusse dat zej zich umkleje wurt ut podium efkes klaorgemakt vur ut uitkomme van ut jeugdtrio. As Prins Erik en Prinses Berna klaor zien mugt Erik vur d'n urste kier speche. Dat ging bijna vlekkeloos.

Metiën dornao was ut uitkomme van de jeugd. De enveloppe ware umgewisseld vur en aantal somme, en mit de slimme jeugd van tiggeworrig ware de somme zoë opgelost. Wel jommer dat iemes iën ciefer op de kop haaj gezet, anders was ut bej d'n urste kier gelukt, mar daor ware ze dan: Jeugdprinses Dyan, Jeugdvorst Maik en Jeugdarrin Maud! Ok zej moge alledrie speche, mar dornao was ut toch echt tied vur de groëte polonaise mit alle Prinse, prinsesse en de jeugdraod ien de nek.

An den aovend nog efkes naor de soos, waar ien al ut tumult Prins Erik ziene liefspreuk efkes vergaat, mar gelukkig was prinses Berna daor um um efkes en hëndje te hellepe. Vervolleges lekker eier ète bej de Prins thuus, en nog gauw iën of twië pilskes ien d'n Terp.

25-01 Ald Wieverbal

Ut fiëst der fiëste was ok dit jaor wer geweldig. Ut was gruweluk gezellig mit de band NRGY as wervelend orkest, en de zaal was wer goed gevuld.

Dizze aovend wier ok de Mök van expeditie mök gepresentierd. Dit fertig kilo zwaore gevaarte zeuj ien de twië wèke vur carnaval ut mèst gewilde object ien Oeldere werre. Alliën toen ze um 's merges op wilde hale was hej zellef alvast op expeditie gegaon naor Câssele. Wej wiëte natuurluk ok wel dat zonne mök nie zellef kan loëpe, dus motte en paar meense den wel daor nergezet hebbe. Mar aangezien niemes het toegegève dat hej of zej dat het gedaon hebbe wej ut vat bier as bedankje vur de gratis reclame mar lekker zellef opgedronke.

01-02 C assele

We zien mit en mojje delegatie naor Casselle gewist, en dat was wederom ut spannendste wat daoraover te vertelle velt. Dornao hebbe we Prins Erik afgezet bej de HOMO's, oftewel Heren Op Motoren Oirlo.

02-03 Mieldere

We zien ok nog efkes op de recepsie ien Mieldere gewist. Hier het ozze Prins Erik nog geprobiert um os V oske Vincent te sliete an de V oskes zellef, mar zonder succes.

7 en 8 fibbrewarie ware de Bonte Aovende

Dit jaor han we vur ut urst sinds hi le lange tied bijna uutsluitend Oelderse artieste op ut podium staon. Ut ware twi  hi le mojje aovende waarbej ondanks dat der hi l veul op te bouwe was bijna alles vlekkeloos verliep. Efkes ien ut kort:

- Urst wiere dur twi  professionele en volledig vrejwillig angeweze modelle de neje jasse van de raod geshowd.
- Dornao kwame de jongste artieste van den aovend mit en dansje, de Dance Girls.
- Dornao kwaam de APK die mit ut goeie bi n ien mekaars panty ware gestapt.
- Toen kwaam enne echte Oelderse buut van Joske de kr ntjesbezurger. Hej vertelde wat ge allemaol mitmakt tiejes ut bezurgen van ut kr ntje, behallev  as ut sl cht w r is.
- Radio Oeldere 11 FM ware ok wer van de partij, mit de Opa van de soos den veul gelikt wier.

- Vervolleges ginge we terug ien d'n tied mit de jonges van groep 7/8 van de basissch l in 1986, mit enne m ster den zien opleiding bej de Hogeschool Hulsman haaj gevollegd.
- Toen was ut wer tied vur enne dans, dit wier moj gedaon dur de groep Glossy.

- En dornao kwaam en leuke act van de toni lm sters die net dun alsof ze den beamer nie an de geng krege.

- Nao de pauze was ut dan tied vur Oeldere Drejt Durrrrrrrrrrrrrrrrrrrrr, en ien dit stuk kwaam de ware aard van de Vorst van C assele naor baove.
- Showdrums Oeldere han ok wer en hi l moj stuk ien hun eige Hard Drum Cafe, en behallev  drumme kosse ze ok nog hakke
- Dornao kwaam zellefs os prinses nog binnegefietst as Toos en deuj en stuk same mit Henk
- Toen ware we anbeland bej de derde en l ste dansact van den aovend gedaon dur en paar Oelderse vrollie

- As i n nao l ste kwame Sint en Witte Piet nog mit en geweldig stuk, en den twedde aovend ware ze zellefs den afsluuter.
- En natuurluk nie te verg te, TADAA, d'n afsluuter.

Wej vonde de bonte aovende  rg geslaagd, en we hope dat we zo  nog lang dur kunne gaon.

9 fibbrevarie Jeugd Bonte Middag

Metiën daags dernao stond der wer ozze twië-jaorlukse Jeugd Bonte Middag op ut programma. Ge vraogt ow host af wie der nog aover ware um ien ut publiek te zitte, zoveul kiender dun der mit mit dizze middag. Ien ut kort:

- Ut jeugdtrio
- De peuters van juf Angela
- Groep 1-2
- De meide van groep 3
- De meide van groep 6
- De jeugd showdrums
- De Dance girls die we ierder al zage op den Bonte Aovend
- Groep 8
- De SJMO

En dit alles wier an mekaar geproat dur Sander Janssen same mit Puk

13 fibbrevarie is de complete jeugdraod en ut jeugdtrio naor Kiendermök gewist, en zoëas ge op de foto's kunt zien: Jong gelierd is âld gedaon!

14 fibbrevarie was ut de beurt an os um naor Circus Mök te gaon. Ondanks redeluk wat slèchte recensies viel ut eigeluk toch wel mit. Ozze afsluuter stond daor ok wer. Zun ze ut ien Venroj dan toch host beginne te liere? Naoderhand was der ok wer en moj fiëst waor wej os wer duchtig hebbe vermakt.

15-02 Krantverkoëp

15 fibbrevarie was ut wer den dag dat ozze carnavalskrant verkocht wier, mit dit jaor en aantal compleet neje onderdiële, onder andere: "zuuk de 6 nietjes", en "Prins Erik: d'n Urste of d'n Twedde?" Al mit al was ut toch wer enne leuke krant den ge zeker ien huus wilt hebbe.

Mar gelijk ansluutend an ut krantverkoëpe was d'n aftrap van Expeditie Mök. Mit enne fantastische knal wier ut startsein gegève van iets waor niemes op gerèkend haaj. Auto's, fietsers, brommers, scooters, wandelaars, Unimogs, pick-up's, zaklampe, zuuklampe, bouwlampe, bejna-ongelukke, dwarsboëme van andere groepe, dreigemente, rieke, schietpartije en nog vanalles mier um alliën mar as urste den iezere, 40 kilo zwaore mök te viende, mar ut aller ergste is nog dat alliën de schietpartije geloge zien. Elleke aovend zagde wel urges enne auto verdacht langzaam reje en ien de böskes schiene, en dan wiste al dat ut wer 6 uur gewist was. Kortum, Expeditie Mök was en groët succes, en hallef Oeldere was dermit ien de weer. Toen ut vreedags vur carnaval afgeloëpe was, ware ien ieder geval alle moeders wer blie dat hun klène, en groëte kiender wer netjes tot nao 6 uur an de keuketoffel zate te ète.

Prins Erik is dizze dag ok nog efkes mit en klène delegatie naor de Piëlhaan ien Venroy gewist.

16-02 De Receptie

De receptie liep dit jaor en uur of wat uut, de zaal zaat stampvol, 8 kuub an ôvverdatums bier en worst oftewel kado's vur de prins; un joekskapel die tot 's aoves ut dak deraf speulde, polonaises, veul bier, 3 buutedurpse veriëninge, hosse, danse op de toffels, springe en zinge, oftewel iën groët fiëst.

Toch wel jommer dat dit toch ietskes minder was dan andere jaore.

Althans, dat was wat we de raad van Câssele wies probierde te make. Ut was natuurluk en ongekennd fiëst wat we normaal nie gewend zien op zonnen dag.

19-02 was wer de jaorlukse JVV-Aovend

Ut was enne gezellige aovend mit wer en goeie sfeer en goeie muziek. Ok dit jaor han we wer twië artieste van eige bojjem, die ut èrg goed dun. Ut is enne aovend den zeker de moeite werd is. Ok wier hier gelijk efkes van de gelegenheid gebruik gemakt um ut Haoltere Pölleke, wat dur de carnavalsverieniging 's maondags daorvur ien ontvangst genome was, uut te reike an de rechtmatige eigenaar: Hay Rongen. Dit umdat hej èrg gemotivierd naor en aantal ontbrèkende prinse op zuuk is gewist, zonder efkes naovraag te doen of der toen überhaupt wel prinse zien gewist ien die jaore. Zellefs en oproep op de radio was nie teveul gevraagd. Mar wel hiël leuk dat hej um zellef op de JVV-aovend ien ontvangst kwaam neme en ut zo sportief op viet. Ut was dus wel gezellig, mar helaas kampe we de afgeloëpe jaore toch mit terugloëpende bezuukersantalle, en dat was ok dit jaor wer te zien. Mit name de jongere aldere wiëte nog nie zo goed dat ge al vanaf dat ge fieftig ziet welkom bint. Dus kom vurral naor dizze mojje aovend, want hoe mier ziele, hoe mier vreugd, en as ge gèr mit de volksdansgroep mit duut zulle die vrollie dat warschienluk nie èrg viende.

Donderdag 27 fibbrewarie was der wer en kort bezuukske an de SJMO.

Vrejdag 28 fibbrewarie was 's middags de scholcarnavals mit optocht, en ok dit was en moj fiëst. 's Aoves is de prins op ziekebezuuk gewist, bej Stef Clôsses den nog steeds nie kan renne, en bej Jeu van Rieswiek. Nel was der ok bej, dus ut wier un aovendvullend programma.

Zaoterdag 1 maart begos uiteraard de echte vastelaovend. 's Merges ginge de prins en prinses naor ut klènste mökske, en dit jaor was Dylan van Peter Beterams en Michelle Knoops de gelukkige. Natuurluk wier de medaille uitgerekend en wier ok ut klènste mökske ien den tuin gezet. 's Middags is der en hiële delegatie naor de gemèntehuusschouwburg gewist, en dornao mit de oëge dicht nekke de Roetsj af um uut te ruste vur 's aoves.

Dit jaor was der vur de Oelderse meense ok de meugelukheid um mit en busje naor de Roetsj gebrocht te werre, en vervolges ok wer opgehald um vur de Liende wer afgezet te werre. Dit jaor wis nog lang nie iederiën hoe hendig dit is, misschien as ut volgend jaor wer georganiseerd wert dat der dukker op en neer gereje mot werre.

Um 7 uur zate we wer netjes ien de kerk um vervolges en stukske vlaai te ète ien d'n Terp.

En toen was ut wer tied um de carnaval echt te opene mit os eige Mökkebal ien de Liende, dat hoewel ut steeds minder druk liekt te werre, ut der nie minder gezellig van wert. Dit jaor was der de Towerband, die ware helaas wel vergète dat ze nie ien Câssele stonde en dus wél flinke fiëstmuziek mosse speule. Ut was en klèn bitje an de tamme kant.

Tiejes dizze aovend wiere ok de winnaars van Expeditie Mök bekend gemakt. De organisatie bestaonde uut Roel en Mark Steeghs en Fredje Spiëters dun en kort mar krachtig woordje en mieke de winnaars bekend, nameluk de groep van Frank Steeghs, Daan Willems, Roel Drabbels en Marc van de Ven. Wat der toen gebeurde hadde bej motte zien.

Laote we zoë zegge dat we allemaol de term "Slechte verliezer" kenne; vanaf nou wiëte we ok wat enne "Slechte winnaar" is. Natuurluk wel super dat dees jonge zo enthousiast ware. Gelukkig was de tegepartij dan ok wel wer âld en wies genoeg um ut sportief op te pakke.

Mar vur de winnaars, gefeliciteerd mit ollie vat bier en de barbecue, en vur de organisatie: Chapeau, hiël moj gedaon, en dat vur d'n allerurste kier. We gaon der vanuut dat dit nog hiël lang dur mugt gaon.

Carnavalszondag

Den dag begos mit en lekkere brunch bej ozze vurzitter Hans. Iederiën van de raod en ut bestuur was anwezig um es lekker te ète bej ozze vurzitter den der mit uut ging scheie. Dit was èrg lekker en zeker vur herhaling vatbaar.

Dornao ut ophale van Prins Erik en Prinses Berna, en Jeugdprinses Dyan. De carnavalswaage was hiël èrg groët dit jaor, mar gelukkig was der nét vur de vastelaovend enne zaag-uul gespot ien Oeldere, en den het fijn alle liëghangende takke weggezaagd.

Toen hiël ekkes waachte ien d'n Terp en gelijk dur naor d'n optocht. Ok dizze zaag der wer goed uut, en de zaag-uul haaj ok op dees route zien wèrk goed gedaon, ok al ware der en paar takke alwer angegroeid. En den lantaornpaol vur den Terp stond al scheif.

Nao d'n optocht naor de Liende vur de priesuutreiking en de opening van de carnaval vur de jeugd. Dizze middag stonde DJ Ruud en Eric achter de knöpkes en ze dun dat èrg goed. De middag wier afgeslote mit en mojje attentie van de Liende.

's Aoves nog ekkes naor de soos waor ut vurral het was as ge enne mantel um hat. Dornao naor den Terp um nog efkes lekker dur te gaon, al wier ut vur de verandering nie zo gek laat.

Carnavalsmaondag

De maondag begos tradisiegetrouw mit ut snotneuzebal vur de allerklènste möskes.

Nao ut snotneuzebal ginge we mit zien alle naor Venroj vur de groëte optocht. En hier begos de ellende. Want op en gegeve moment kwaam der iën of ander nummer vurbej, dat ging ovver enne stuuterbal. Toen kwaam iemes op ut fantastische idee um dat nummer ekkes op 'repeat' te zette. Let op, de optocht was en kwartier onderweg. De rest van den optocht ginge we de ganse tied dur de kneje um vervolleges de schokdempers van de carnavalswaage te teste. Wel jammer dat den gen schokdempers het dus of ge nou wilde of nie, stuutere zudde! Mar al mit al was ut wel wer enne goeie optocht mit de stuurmanskunste van Jan, alliën jammer dat ze ien Venroj genne zaag-uul geregeld hebbe. Dat zal wel te duur zien gewist, ok al kost dat mar *aaacht-fieftig*. Nao d'n optocht ginge we ekkes en frietje ète ien d'n Terp, en dornao naor de Liende vur ut kienderdiscobal, althans, zoë noeme we dat ien os programma. Daor was ut ok tied vur de priesuutreiking van ut carnavalsgedicht ien de carnavalskrant, en de winnaars ware os jeugdprinses Dyan en Jeugdarrin Maud.

Dornao kregge we de Mutsecup. Ut ging der um dat ge ow mojste of raarste of mèst opvallende muts mit nomt naor de Liende en dan miekte kans op en moj prieske. Volwasse kèls ware uutgeslote van diëlname umdat de organisatie bang was dat die hun vrouw zun afgève. Mar en aantal kiender han hiële mojje mutse gemakt, en dees zun wel wer es efkes gejuuried werre dur boer Harmsen en Gerritsen. Uiteraard bakte dees der wer niks van en moge Prins Erik en Prinses Berna de mojste muts uitkieze. De winnaar is geworre: Koen Flinsenbergh

Nao ut kienderbal nog efkes naor de soos en dornao wer naor den Terp, waor ut ietskes drukker en ietskes gezelliger was dan den aovend dervur, en op ut end van den aovend koste ok nog gratis en aarsgewei laote zette bej iën van de creatievere raodsleje.

Hej was wel wat kieskeurig, want hej schildert wel alliën op doek dat nog moj strak gespanne zoot.

Carnavalsdinsdag

We begosse zoëas altied mit de brunch ien d'n Terp. Ok dit jaor haaj Paula wer lekkere balle en goei vleis. Durrum kregge zej en Bruul ok wer enne mojje medaille uutgereikt.

Um en uur of 3 begos ien de Liende de jaorlukse BBZ. Ut was wer enne bonte kermis van meense die wel of nie kunne zinge, meense waorvan ge ut wel of nie verwacht dat ze op ut podium stun,

goeie muziek, goeie sfeer en en geweldig fiëst. Zellefs alle artieste uut Venroj ware derbej en lachte briëd. Nouja, bijna allemaol...

Nao de BBZ koste wer en brudje hamburger of en brudje knak ète die d'n Terp vur os verzurregde, alliën vonde wej ut jammer dat ze dit jaor genne kank han, want dat was vurrig jaor ut lekkerst.

Toen was ut moment toch daar um de jeugdcarnaval ien de Liende af te sluute. Jeugdprinses Dyan, Jeugdvorst Maik en Jeugdarrin Maud moge nog iëne kier vur alle jeugd unne speech doen, en toen was ut toch echt afgeloëpe. Uiteraard was der vur de jeugd vanaf groep 7 nog en paar uurkes soos, mar ok rond 10 uur wier der daar en eind an gebreid, en wier de mök van de jeugd verbrand.

Vur de meense die nie mer naor de soos moge was gelukkig d'n Terp nog los. Dizze aovend stonde DJ Ruud en DJ Eric wer achter de knöp, en dees kende we al van de carnavalszondag. Ut ging zo meugeluk nog bèter, want ut was en gezellig fiëst.

Mar helaas, rond un uur of hallef 12 mos de pauzeknop iengedouwt werre, want ut was tied vur minder leuke dinge. We begosse mit ut afscheid van Bart en Erwin. Dees jonges han beslote um dermit te stoppe, en uiteraard wier ien ut kort verteld wat ze allemaol gedaon han ien hun carrière bej de raad. Allebei kregge ze dan ok en orde van de Spurriemök.

Toen was Hans an de beurt. Ozze vurzitter zette ok en punt achter zien carrière as kartrekker bej de club. Zien verdienste wiere uiteraard moj op en reijke gezet, en ok al duurde dat vanzellefsprèkend èrg lang, hej het ut toch verdiend. Hej kreeg van Emiel persoonluk nog en moj hamertje, al was ut wel mosterd nao de maaltied umdat hej ut bijna nie mer nuëdig haaj, mar wel en moj gebaar.

Nao dees weurd van Emiel over Hans wiere de rolle umgedrèjd. Hans vertelde ien ut kort wat ozze stoppende vorst vur um en de veriëning betèkend haaj, en gaaf toen de microfoon dur naor de PVVE, oftewel Prinse Van Vorst Emiel. Uiteraard wier Emiel mit mojje weurd hiël hartelijk bedankt vur wat hej vur de 6 prinse het betèkend, en der wier ok nog iets blievends geschonke waar hej en Ankie over tig jaor nog wat an hebbe: Un mojje unieke Abdicatie. Ge kost toch wel zien dat hej dat nie haaj verwaacht, en dat mekt ut misschien nog wel mojjer.

En tradisiegetrouw is ut allerlèste woord vur Prins Erik d'n Twedde, en hej bedankte iederiën, waaronder Emiel mit de legendarische woorde: "Da ge bedankt ziet, dat wette". Hej wo ut kort halde, en dat deuj hej ok vakkundig, want vur we ut wiste stonde we buute en stond de mök ien

de fik, alsmede den fakkel waormit hej angestoke is. En as kers op de taart lèj daar ok tot diep ien de nacht naosmeulend: Den verekte beamer kabel....

Aswoensdag

Nao ut fiëst mot der natuurluk altied wer opgeruumd werre. Terwiel de mèste meense nog op de bank an ut ontkatere zien zurrege we mit de hiële vereniging dervur dat alles wer netjes opgeborge wert vur volgend jaor. Gelukkig meuge we dornao ok nog altied efkes bej de prins wat gaon ète. Vurral de brudjes krocket mit mayo beviele goed, aldus sommige van de raad.

's Aoves wer ekkes en korte mis, ut assekruuske hale, en dornao ien d'n Terp nog naabuute onder ut genot van en pilske en enne vis of slaatje.

Zoë was der wer en eind gekomme an dizze carnaval, en kosse we alwér terug kieke op en fantastisch moj seizoen!